

UGOVORNE STRANE:

1. **UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: Ugovorni organ)
ID broj: 4200494560007
2. **Agencija za zaštitu ljudi i imovine Securitas d.o.o, Bačići 15, Sarajevo** koju zastupa direktor Valdin Jažić (u daljem tekstu: Izvršilac)
ID broj: 4227417480004
Transakcijski račun broj:1610200035990008 otvoren kod Raiffeisen bank d.d Sarajevo

zaključile su:

UGOVOR **o javnoj nabavci usluge – Usluge protuprovalnog i protupožarnog** **obezbjedenja i usluge osiguranja Svečane promocije** **za potrebe Univerziteta u Sarajevu**

Ovaj Ugovor se zaključuje na osnovu Odluke o dodjeli Ugovora broj: 0101-10197-3/19 od 21.11.2018. godine.

I. PREDMET UGOVORA

Član 1.

Predmet ovog Ugovora su usluge protuprovalnog i protupožarnog obezbjeđenja objekata broj 33. i 36. Zmaja od Bosne bb, u Kampusu za potrebe i po zahtjevu Ugovornog organa, u skladu sa zahtjevom za dostavljanje ponude Ugovornog organa i Ponudom Izvršioca broj: 5420/2019 od 18.11.2019 godine (u daljnjem tekstu: Ponuda Izvršioca), te pružanje usluga fizičke zaštite ljudi i imovine Ugovornog organa, koje podrazumijevaju pružanje usluge zaštite u skladu sa Zakonom o agencijama i unutrašnjim službama za zaštitu ljudi i imovine (Službene novine Federacije BiH 78/08 i 67/13) (u daljnjem tekstu Zakon o agencijama) za vrijeme pripreme i održavanja manifestacije „Svečana promocija i dodjela diploma diplomantima i magistrantima Univerziteta u Sarajevu za 2019. godinu“ koja će se održati dana 07.12.2019. godine.

Predmet ovog Ugovora je i polugodišnje servisiranje ugrađenih sistema tehničke zaštite koje podrazumijeva: kontrolu ispravnosti i funkcionalnosti alarmnog sistema, čišćenje senzora, kontrolu napona baterije i testiranje sistema.

Protuprovalno i protupožarno obezbjeđenje objekata izvodi se u vremenu kada je alarmni sistem uključen od strane Ugovornog organa.

Pod alarmnim sistemom podrazumijeva se oprema za tehničku zaštitu instalirana na objektima Ugovornog organa od strane certificiranih lica u skladu sa Zakonom.

Protuprovalno i protupožarno obezbjeđenje objekata Ugovornog organa vrši se u vremenu 24/24 sata.

Izvršilac se obavezuje da u skladu sa direktnim sporazumom, Ponudom Izvršioca i pozitivnim propisima koji uređuju predmetnu oblast, vrši predmetne usluge.

Fizička zaštita Svečane promocije podrazumijeva:

- zaštitu ljudi i imovine Ugovornog organa;
- spriječavanje otuđenja i uništavanja imovine Ugovornog organa;
- pregled i kontrola ulaska i izlaska posjetilaca u dvoranu;
- onemogućavanje ulaska posjetiocima koji su u vidno alkoholiziranom stanju ili pod uticajem droga;
- intervencija u slučaju nezakonitih dešavanja (narušavanje javnog reda i mira, neovlašteni ulazak u prostor, otuđivanje ili oštećenje imovine Ugovornog organa);
- informisanje nadležne policijske uprave o nezakonitim dešavanjima i eventualno zadržanim počiniocima;
- ostale poslove koji nisu izričito navedeni u ovom ugovoru, a proizilaze iz prirode Ugovora ili iz Zakona o agencijama.

Usluge osiguranja Svečane promocije obavljat će:

- 1 (jedan) zaštitar za obezbjeđenje-čuvanje materijala-diploma,
- 5 (pet) zaštitara za obezbjeđenje KDZ pregleda prostora,
- 25 (dvadeset i pet) certificiranih i uniformisanih zaštitara Izvršioca usluga u svečanim odijelima.

Usluga fizičke zaštite ljudi i imovine tokom Svečane promocije Ugovornog organa obavlja se kako slijedi:

- 06.12./07. 12. 2019. godine od 19:00 sati do 10:00 sati-1 (jedan) uniformisan i certificiran zaštitar (čuvanje materijala-diploma);
- 06. 12. 2019. godine od 07:00 sati do 09:00 sati-5 (pet) uniformisanih i certificiranih zaštitara (KDZ pregled);
- 06. 12. 2019. godine od 10:00 sati do 17:00 sati-25 (dvadeset i pet) certificiranih i uniformisanih zaštitara izvršioca usluga u svečanim odijelima;

II. CIJENA

Član 2.

Ukupna cijena ovog Ugovora prema specificiranim uslugama, količinama i ugovorenim jediničnim cijenama iznosi **4.880,18 KM bez PDV-a**. (slovima: četirihiljadeosamstotinaosamdeset KM i 18/100), odnosno, **5.709,35 KM** (slovima: pethiljadasedamstotinaadevet i 81/100) sa uračunatim PDV-om i to:

- Protivprovalno i protivpožarno obezbjeđenje objektata - **2.880,00 KM bez PDV-a** (slovima: dvijehiljadeosamstotinaosamdeset i 00/100) odnosno **3.369,60 KM** (slovima: trihiljadetrizotinešezdesetdevet i 60/100) sa uračunatim PDV-om.
- Osiguranje svečane promocije na dan 06.12.2019 godine. – **2.000,18 KM** (slovima: dvijehiljade KM 18/100) odnosno **2.340,21 KM** (slovima dvijehiljadetrizotinečetdeset i 21/100) sa uračunatim PDV-om.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog ugovora.

III. MJESTO IZVRŠENJA USLUGE

Član 3.

Mjesto izvršenja predmetne usluge je na adresi:

- Univerzitetski tele-informatički centar, Zmaja od Bosne b.b (Objekat br.33) – Usluge protuprovalnog i protupožarnog obezbjeđenja objekata;
- Centar za interdisciplinarnе studije, Zmaja od Bosne bb, (Objekat br.33) - Usluge protuprovalnog i protupožarnog obezbjeđenja objekata;
 - Centar za ljudska prava, Zmaja od Bosne bb. (Objekat br.36) - Usluge protuprovalnog i protupožarnog obezbjeđenja objekata;
 - Olimpijska dvorana Juan Antonio Samaranch - Zetra– Usluga osiguranja Svečane promocije.

U slučaju da dođe do promjene mjesta ili adrese u toku trajanja ugovora, Ugovorni organ će pismeno obavijestiti odabranog ponuđača o promjeni, uz napomenu da promjena mjesta izvršenja usluge ne može uticati na zaključeni ugovor.

IV-NAČIN PLAĆANJA

Član 4.

Ugovorni organ će plaćanje usluga vršiti sukcesivno u roku od 30 (trideset) dana od dana prijema računa od Izvršioca. Na računima za uslugu protuprovalnog i protupožarnog obezbjeđenja trebaju biti razdvojene cijene za svaku organizacionu jedinicu, dok će se usluga osiguranja Svečane promocije fakturisati u ukupnom iznosu, a sve u skladu sa Ponudom Izvršioca.

Račun se dostavlja mjesečno na adresu Ugovornog organa, Obala Kulina bana 7/II, 71 000 Sarajevo (Pisarnica).

Plaćanje se vrši po dostavi računa Izvršioca na transakcijski račun broj: 1610200035990008 otvoren kod Raiffeisen bank d.d Sarajevo.

Ovjeru ispostavljenog računa će izvršiti lice ovlašteno od strane Ugovornog organa, nakon što utvrdi da je predmetna usluga izvršena u skladu sa ovim Ugovorom.

V – ODGOVORNOST I OBAVEZE IZVRŠIOCA

Član 5.

Izvršilac je odgovoran:

- da predmetne usluge obavlja savjesno, odgovorno i stručno u skladu sa zakonskim propisima i pravilima struke,
- da nadoknadi štetu, koju bi njegovi zaposlenici prouzrokovali neodgovornim radom ili radom koji bi bio u suprotnosti sa obavezama iz ovog Ugovora.
- da kontroliše vršenje usluga, a u slučaju uočenih nepravilnosti iste otkloniti odmah.

Izvršilac se obavezuje:

- da ima tehnički ispravan nadzorni centar za prijem i detekciju alarmnog provalnog i požarnog signala putem telefonske analogne linije (PSTN) ili GSM komunikatora od strane alarmnog sistema Ugovornog organa,
- da ima dežurnog operatera u nadzornom centru 24/24 sata,
- da u roku do 10 minuta od momenta prijema i detekcije provalnog i požarnog signala putem PSTN ili GSM komunikatora, pošalje mobilnu interventnu ekipu na lice mjesta da reaguje po uputama dežurnog u nadzornom centru,
- ukoliko je uočena tehnička greška na alarmnom provalnom i požarnom sistemu da o tome odmah telefonom obavijesti odgovorno lice Ugovornog organa.

-ukoliko nije moguće stupiti u kontakt sa odgovornim licem Ugovornog organa, a tehnička služba Izvršioca te greške ne može odmah otkloniti, da izvrši obilazak objekata mobilnom interventnom ekipom do dolaska odgovornog lica Ugovornog organa, odnosno do otklanjanja kvara.

-u momentu prijema i detekcije požarnog signala, da dežurni operater obavijesti najbližu profesionalnu vatrogasnu jedinicu, ta da na lice mjesta pošalje interventnu ekipu Izvršioca.

-da iz mobilne interventne ekipe angažuje obučenog zaštitara sa ispravnim protupožarnim aparatom da pristupi gašenju manjih požara do dolaska profesionalne vatrogasne jedinice.

Izvršilac ne odgovara za materijalnu štetu na objektima Ugovornog organa koja nastane prije dolaska mobilne interventne ekipe, niti za kvarove i nefunkcionalnost telefonske linije koja može uzrokovati prekid komunikacije alarmnog sistema sa nadzornim centrom.

ODGOVORNOST ZA ŠTETU - Izvršilac odgovara za štetu koju njegovi zaposlenici počine u vezi s obavljanjem poslova zaštite iz ovog Ugovora Ugovornom organu ili trećim licima, ako je do štete došlo isključivo i direktno kao posljedica postupanja zaposlenika Izvršioca koje je u suprotnosti s odredbama ovog Ugovora, odredbama Zakona o agencijama i unutrašnjim službama za zaštitu lica i imovine, te ostalih propisa kojima je uređena djelatnost privatne zaštite, i to do 40.000,00 BAM (četrdesethiljada), po štetnom događaju, odnosno agregatno na godišnjem nivou.

VIŠA SILA- Sljedeće okolnosti će se smatrati osnovom za oslobađanje od odgovornosti ako odgađaju ili ometaju izvršenje ovog Sporazuma: bilo koja okolnost izvan razumne kontrole stranke kao što je požar, rat, mobilizacija ili vojni poziv, rekvizicije, zaplijene, valutna ograničenja, ustanak i građanski nemiri, terorizam, epidemija, pandemija, nedostatak prevoza, opšta nestašica materijala ili osoblja, štrajkovi ili drugi industrijski sporovi, i nedostaci ili kašnjenja u isporukama podugovarača uzrokovana nekom od okolnosti iz ovog člana.

VI-ODGOVORNOST I OBAVEZE UGOVORNOG ORGANA

Član 6.

Ugovorni organ je odgovoran za ispravnost i funkcionalnost telefonske linije koja služi kao veza alarmnog sistema sa nadzornim centrom Izvršioca.

Ugovorni organa se obavezuje:

-da će redovno pismenim putem informirati Izvršioca o svim važnim informacijama za obezbjeđenje objekata kao što su: zamjena kontakt osobe, promjena radnog vremena, promjena telefonskih brojeva na objektima, promjena pisanih uputstava, ukidanje i dodjeljivanje korisničkih šifri, te o radovima u i oko objekata koji se obezbjeđuju, a koji mogu uticati na funkciju alarmnog sistema obezbjeđenja objekata.

Namjerno aktiviranje protuprovalnog alarmnog sistema nije dozvoljeno.

VII. TRAJANJE UGOVORA

Član 7.

Ovaj Ugovor se zaključuje na period od 1 (jedne) godine.

VIII-POSLOVNA TAJNA

Član 8.

Izvršilac se obavezuje da će u vremenu trajanja ovog Ugovora i po njegovom prestanku kao poslovnu tajnu čuvati sve tajne informacije i poslovne tajne Ugovornog organa, kao i ostale

podatke koji su Izvršiocu dostupni kod izvođenja obezbjeđenja, a odnose se na Ugovorni organ i njegovo poslovanje.

IX-RASKID UGOVORA

Član 9.

Svaka ugovorna strana ima pravo jednostrano raskinuti ovaj Ugovor.

Ugovorni organ ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora u cijelosti, kao i u slijedećim slučajevima:

1. ukoliko Izvršilac kasni sa vršenjem usluga;
2. ako kvalitet usluga ne odgovara ugovorenim;
3. ukoliko Izvršilac ne otkloni nedostatke po primjedbama Ugovornog organa;
4. ako Izvršilac iz bilo kojeg razloga izuzev više sile, dođe u situaciju da ne može izvršiti ugovorene usluge.

Obavijest o jednostranom raskidu ugovora mora se dostaviti drugoj ugovornoj strani isključivo u pismenom obliku i obavezno navesti osnov raskida ugovora.

Otkazni rok iznosi 30 dana.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

XI-RJEŠAVANJE SPOROVA

Član 10.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

XII- ZAVRŠNE ODREDBE

Član 11.

U skladu sa članom 72. stav (6) Zakona o javnim nabavkama BiH, Izvršilac usluge nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 12.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 13.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora

Član 14.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA UGOVORNI ORGAN
R e k t o r

Prof. dr. Rifat Škrijelj




Broj: 0101-10197-4/19
Sarajevo, 21.11.2019

ZA IZVRŠIOCA USLUGA
D i r e k t o r

Valdin Jažić




Broj: 5568/2019
Datum, 27. 11. 2019